

օգտուել Երզնկացի¹։ Յովհաննէս կը յիշէ իրեն ուրիշ ուսուցիչ մըն ալ Կայենոյ ձոր վանքին մէջ՝ ուր ուսման համար գացած էր՝ վարդան վրդ. Արևելցի կամ Բարձրբերդցի, զոր Նիկ. Մառ կը շփոթէ վարդան Այգեկցիի հետ և կը համարի թէ վ. Այգեկցի ծերութեան միջոց առանձնացած ըլլայ Սեպուհի անսպասոր, և հոն անոր աշակերտած է Յովհ. Երզնկացի, ինչ որ բուրովին անճիշտ է։ Երզնկացի վայելից նաև Տարօնի Ս. Կարապետ վանքին Յովհաննէս կոչուած հմուտ և Ս. Գրոց մեկնիչ վարդապետին քաջալերանքը։ Այսպէս ժամանակի պայմաններէն օգտուելով, որքան կարելի էր, կրցաւ այնքան զիտութիւն ամբարել ինքնաշխատութեամբ որ ամէնուն պատկառելի դարձաւ և յետոյ ամէնուն վարդապետեց։

Յովհաննէս զանազան մակդիրներով մեզի կը ներկայանայ հինբու ըով։ Առաջին և սովորականն է Երզնկացի կամ Եզընկայեցի անունը, տրուած Երզնկա ծնած ըլլալուն համար²։ Բարդով՝ կ'ըսէ Հ. Ալիշան, այս վարդապետին բուն իր ձեռքով գրած մէկ զիրքը տեսայ, ուր գրեր էր. «Նշատ և տկարոցի Յոսնևես Եզեկայեցի սպասաւոր բակի» ևն., ուր և տգէտ անձ մը Եզնկայեցի բառին ետքի գրերը քերքեր և Եզնկայ եպիսկոպոս ձևացուցիր էր³։

Երկրորդ մականուն մը տրուած է իրեն Պրոզ մակդիրը որ կը կարծուի թէ կապուտաչուի ըլլալուն համար ըսուած է⁴։ Սակայն Հ. Ալիշան ուրիշ մեկնութիւն մըն ալ կ'աւելցնէ, «կամ մանաւանդ հասակաւ պզտիկ ըլլալուն համար. Երզնկացիք հիմակ ալ պրոզիկ կ'ըսեն և ոչ պզտիկ⁵»։ Գրեզոր Կամախեցիի մօտ կը հանդիպինք «Կիրակոս Պլուզ»ի մը, առանց սակայն այդ անձին Պլուզ կոչուելուն մասին բա-

ցատրութիւն մը գտնելու⁶։ Իսկ շարակնոցի մը մէջ թուղթ 197ր գրուած 1312ին և կը գտնուի վիեննայի Մխիթ. մատենագարանը թ. 202, «Կանոնն թողանցն սրբոյն Գրեզորի, որ զլոյս Աստուածային Գրիստոսի գիտութեան» ևն հատուածին հետ լուսանցքին վրայ գրուած է «Յոհաննու Պրուզացոյ ասացեալ⁷»։ Պլուզացոյ կամ Պլուզացոյ ձևին ուրիշ տեղ բնաւ հանդիպած չեմ և անբացատրելի կը մնայ։

Յ. Երզնկացիի երրորդ մականունն է Ծործորեցի յորջորջումը զոր կը մեկնեն Հ. Ալիշան, Օրմանեան երկայն ատեն Արտագ գաւառի Ծործոր գեղին Ս. Աստուածածնի վանքը բնակելուն համար⁸։ Կամախեցիի ըով քիչ մը տարբեր մեկնութեան կը հանդիպինք, Ծործոր տեղոյն նկատմամբ. «Սա մականուամբ Ծործորեցի կոչի վասն Ծորակ գեղին, որ այժմոյս Մարացիք կան բնակեալ որ ազգաւ քուրդ են... Եւ այս ալ ի Սեպուհ լեռանցն ստորտան լի նեւով, ի քուրդ անուանի չար գեղին՝ Բարջանջի և Աուրտոցի? և Ձորակի զըլ խոյն վերայ գտով դաշտաձև տեղի մի ի մէջ ձորոյն որպէս զվանքն Սերովբէից ի ժամանակս քրիստոնէութեանն որ ի վանքն այն քուրդ ոչ լինելով այլ բուն Հայք, յայնմ ժամանակին այս Յովհաննէս այլ Երզնկոյ լինելով և բնակելով ի վանս Ծործորի⁹»։

Ուրիշ չորրորդ մականուն մըն ալ բնածայուած է Յովհ. Երզնկացիի ձեռագիր շարականի մը մէջ հին կարգաւորութեամբ գրուած և աղէկ գրով նման Յովհաննու ձեռագրի գրին՝ Հ. Ալիշանի համեմատ, և ուր տեղ մը գրուած է այս պզտիկ յիշատակարանը. «Յովհաննէս Եզնկացոյն է զիրս մականուն Մաշածիկ¹⁰»։ Թէ ինչ պատճառաւ տրուած է այս մակդիրը Երզնկացի

1. Յուշիկը. Բ. հտ. էջ 415.
 2. Յուշիկը. Բ. էջ 414. Ազգապատում. Բ. Մաս. էջ 1796.
 3. Յուշիկը՝ անդ.
 4. Յուշիկը՝ անդ. Ազգապատում՝ անդ. Saint Martin, Mémoires historiques et géographiques sur l'Arménie, Paris. 1818. Բ. հտ. էջ 467.

5. Յուշիկը՝ անդ.
 6. Գրեզոր Կամախեցի, Ժամանակագրութիւն, էջ 52.
 7. Տաշեան, Յուցակ Զեռ. էջ 524.
 8. Յուշիկը՝ անդ. Ազգապատում՝ անդ.
 9. Ժամանակագրութիւն. էջ 401-402.
 10. Յուշիկը՝ անդ.